

香嚴尚書壽言  
合肥相國壽言





叢書集成

初編

王 主  
雲 編  
五 者

商務印書館發行

香嚴尚書壽言



袁昶撰

782.878  
7763  
773

本館據漸西村舍  
叢刊本排印初編  
各叢書僅有此本

香嚴尙書齋言

# 香嚴尙書壽言

香嚴尙書督部大公祖大人六十初度壽序代

皇帝嗣位之二十年九夏清宴金甌无缺海外諸國珠槃玉敦互通信使喁喁嬰嬰懷柔率服莫不享質劑通約之利戒輕生邊衅之害不意東鄰責言亶洲盜弄蜻蜒列島屢逞陸梁馬訾東西遂困多壘士皆投袂將奮同仇廷議以坤一久歷戎行粗爛弢版推擇闔外俾視師榆關管北門之鑰而南洋諸海口鳥嶼鱗比尤防侵軼非有威重大臣將何以綏靖而鎮撫之蓋當氛祲倏擾之際苟無恢張應變之方略則患生肘腋縣官軍實悉仰東南稍有侵陵杼柚立竭則前敵諸軍雖有帶甲百萬金城千里湯池四塞而無粟無械其將何以持久故節鎮綦重征繕攸資苟非親臣重臣何以堪此宏寄聖上知人之明謀帥之慎特詔移香濤尙書督部大公祖持節蒞止俾坤一得一意星征戒途率師援北倚公爲江介長城驂斷相結嚶羽代飛使節旣至雄規茂略風發泉涌儲峙芻茭製購仗械招募期門材官習流精手之屬訓練百餘營北迤大軍南鞏海防一以多算勝少算粵稽成案雍正乾隆中準部青海兩役大軍出玉關而以劉文正統勳督關內芻茭軍火蒲昌戒斥候而以黃文襄廷桂綜後路軍務精臺聖主知人善任乃眷股肱倚公深矣旋以兩國棄前嫌修舊好囊戢甲仗置場救平奉命各旋所治上流重寄惟公克肩其任而坤一承望下風亦得以黽勉奉職互相規隨焉今年秋八月爲公六秩攬揆之辰先是歲在丙戌公持節



交廣。年正杖鄉。以仕履官。年差一歲。至丁亥秋。乃拜御書編額。西藏銅佛。紈綺御物。如意珍果之賜。阮儀徵賞頤性延齡之榜。史文靖冠御筵千窶之班。今茲杖國明年。合拜異數。而同官之義。自應先期爲卮酒難老之祝。禮也。公敷歷京外三十五年。每遇生日。輒援亭林顧先生之例。杜門謝客。從不以樽酒宴交舊。公服古之義篤矣。然歐陽文忠年三十。官夷陵。遇生日。寘酒舟中。作詩自壽。豳風有躋堂稱觥之詠。漢賜三公爲老更者。上尊之酒。靈壽木之杖。梯几。乞言之儀。生日頌祝。其來舊矣。况乎然明國僑之義。虎帥以聽。當此元封文武名臣欲盡之時。祝公長生久視。老復丁壯。摭拄龕滄之局。幹維屯蹇之運。此人人之公心也。事有共滄。忠言相告。世教寢微。冀共扶獎。懿戒大年。進德匪懈。此又朝野喁喁屬望之私心也。稱祝之詞。僉曰宜哉。夫經綸艸味。篤生異人。根節盤錯。乃別利器。公昂宿垂芒。德星應曜。綺歲馳神童之譽。壯年擅經世之業。摯精六略。范氏墨帳。輸其勤。甄綜九流。何氏學海。遜其博。少秉贈太僕公義方之教。贈公與益陽胡文忠公箬仕黔中。同官雅故。公就受學問。講求經滄。發解之日。文忠遺贈公書云。賢郎得解。與韓南溪開口而笑者累日。後公督鄂。謁文忠祠。作詩有敢云。鴛鴦能爲役。差幸心源早得師之句。是見公之德器。公以巍科列侍從。天下仰爲文章山斗。今上初元。吳柳潭侍御。痛念穆廟上賓。於繼統卽繼嗣之經誼。猶有所疑。抗疏激烈。事關大典。盈廷集議。無所依據。公獨据公羊儀禮經文。仰稟裕陵御批通鑑。御製文集。平定陶濩議輿獻之闕。折永叔溫公伊川之衷。詳繹詔指。傅以經義。羣言糾紛。大禮遂定。追維同治末年。大婚樂章房中三奏。又欽定平粵捻方略兩次表文。出公手撰。詔賜加銜。此安石之碎金。於平生

爲末事。天顏稱善。輒曰：奇才，奇才。是徵公之榮遇。公少服膺河間儀徵兩文達之書。於羣經六藝九流百氏無所不窺。潭思擊精。尤熟史事。典試視學。所至以行學文刊刻條教。蒐勵真材。曾文正嘗歎爲朱筠之視皖學。洪亮吉之督黔學。阮芸台之視浙學。無以踰也。自蜀輜歸。愈潛心宋元儒書。服習朱子。製行修辭。非法不言。非禮不履。浙蜀嶺鄂。經公傳車所歷。剏立經心尊經廣雅等書院。橫舍口講指畫。四學之目。兼通時務。明體致用。本末兼賅。九能十二材。雲蒸霞蔚。儲爲國器。樂育羣倫。陶冶萬士之意。至深遠矣。是徵公之學術。光緒庚辰。丁令違言。行人失指。天山西徼。蒙部北庭。速賓東境之地。將爲珠厓。議棄鄆。不歸。公十上密疏。規陳方略。旋以曾惠敏充使華離之地。劃回職方。兩宮懿旨。特由監局擢公講讀學士。象胥署有大議。輒敕王大臣使公預聞。參署之。此公上結睿知之始也。洎乎撫晉。密薦文武忠良材幹五十九人。多見採納。不次擢用。開府兩廣。防海規越。與彭剛直同心戮力。疏畫方略。電奏機宜。公輒主稿。兩銜拜發。彭公未嘗不稱善。洎乎桂撫徐潘相踵僨事。當是時。嶺西岌岌。太平歸順。南甯等邊郡。潰兵紛紛劫掠。兆人瓦解。公密薦以臬使李公秉衡署巡撫。扼龍州南關之險。預籌軍火餉需。密奏派馮軍門子材。王總兵孝祺。重整勁旅。禡牙出關。軍聲大振。於是有諒山之捷。拂箠爲之震恐。其外部首相茹勒斐里。乃力持脅戰索償者也。竟爲法人議院所劫。退別。公舉首相。翻改前議。遂乞行成。爲自有交涉以來。戰功第一。是役發軔指示之功。人公實主之。而推獎諸將。口不言功。乃尤人情所難能也。瓊雷欽潮虎門橫檔大角沙角。大築礮壘。相度險要。仿造西制。屹然巨防。軍火之廠。樓船之務。器師畢陳。巧匠咸集。杜預武庫之稱。葛

亮連珠之製。無以踰之。是徵公之軍謀。毛詩傳云。治民煩則亂。烹魚煩則碎。又語云。十羊九牧。羊不得食。人亦不得息。言不諳治體者。務爲煩碎。則扞格而不可行也。公撫晉之日。禁栽鶯粟。惟嚴查於播種之時。而三時則否。治井陘道。惟預籌以官款興工。而不擾民捐。治粵。則沙田之事。挫豪強。抑兼并。開瓊州黎母嶺十字路。兵民相安。閭井不擾。鑿銅青硫煤各礦。爲民興利。爭新香六廠。急水門之洋藥。緝私不宜授柄於人。治楚。則水旱以時。預庀荒政。修荊州大隄。親督樵薪之役。樊口梁子湖。力主不可妄設閘壩。致受水之區太狹。橫溢爲災。是公之於政體。能導其要領。而溪盜不苛也。烏裔互市。新法大開。詆之者不曉變通。溺之者目迷彼法。不知我之所短。禮失求野。彼之所長。蛾術可師。公剏立自強學堂。以算務格致方言製。造課士。而籠鐵官自然之利。徐文定所未行。鑄銀幣以他拉爲式。林文忠所未竟。立紡紗局織布局。以塞无窮之漏卮。開槍礮局。栗藥廠。以資有備而無患。是公之於時務。能觀其會通。而化裁盡利也。爲大府者。厓岸太峻。則上下之情。閔。藩牆不設。則督責之程弛。太剛則折。太柔則廢。文武之道。一弛一張。神而明之。視乎人矣。公官人有法。隨器授任。鼎不可使柱車。馬不可使守閭。言殊器也。千將不可以苴履。明鏡不可以爲甑。言殊用也。公處置庶事。爲地擇人。取將於伍。後常名顯。收士至佐。惟邦之彥。履屐之間。皆得其任。文武孝友。有治內治外之各宜。公入告嘉謨。以此薦賢。爲國亦以此。有時楚材晉用。西將中求。遠規由余。金日磾之例。近羅戈登日意格之倫。巧匠材官。多方招致。機廠練軍。次第設施。故選才不拘一格。而藥籠常資兼收。是公之陶冶一世。造就大雅之材也。惟天下之至靜。乃能觀未兆之形。惟天下之至神。乃能引



方來之患。公上疏力陳。海軍當分南北。閩粵洋爲四大支。若預知有遼東元菟之役者。力陳鐵路當以蘆漢爲正榦。晉陝爲旁支。若預防海州膠州要害。恐爲敵侵。東路轉運。易被阻襲者。在嶺嶠。力陳銀元局鑄錢局之利害。若預料今日錢價涌貴者。公連珠詩云。吾聞淮南子。澹泊以明德。又云。吾聞周易象。自強爲要領。又曰。吾聞齊扁鵲。治疾恨不早。公之建白數十上矣。而施行未及其半。志事猶未盡伸。晉賢每歎事不如意十常八九。然哉然哉。是公之獨居深念。靜觀萬物之理也。坤一責厚事叢。年運而往。自問鴛鴦。豈稱與天馬並驅爭先。惟此般憂時局。忠赤報國之意。竊不自揆。與公若牛鐸之應黃鐘。昔林少穆、鄧嶰筠。當粵衅驟開之時。互相忠告曰。所不同心者有如海。今艱屯之運。視昔倍之。而康溘之圖。志奢遇詘。公將以明年八月賜壽。稱祝之詞。不敢虛美。敬舉其犖犖大者。以厲詩人祝難老之義。勸公三酌上尊之酒。而莊敬日強。進德不懈。如衛武公九十之年。作懿戒之詩。以自儆。勲孳孳未已。是則區區所頌禱者。夫公聞之。想爲欣然。晉一卮也。



張大司馬壺公師六秩壽序

皇帝踐阼承穆廟中興之政。歲星再周。嘉與二三股肱臣。龜涉屯蹇。黼藻隆平。風輪兩戒。闢黃海紅海黑海而遙。璇極四游。縮太易太始太初而運。滄溟蕩蕩。迴瀾仗康世之心。絙柱峩峩。陶冶試補天之手。則必有盧牟中外。暉滌山川。氣備四時。壁立千仞。征南偉爲武庫。潞國敵妖異人。鄭公龜鑑。決君國之大疑。苦縣龍猶。俾至人之無已。然後煙燼九夏。繫憂樂乎蒼生。經緯萬端。佐平成於赤縣。芒垂昴宿。學爲海宗。其惟我南皮尙書壺公夫子乎。公孺嚳道真。嘯歛元緯。審審斐忱。貫裸璣序。粵溯歲在丁亥。持節交廣。戊公丙年

五十初度。因仕履。官年差一歲。故丁亥秋乃奉敕賜壽。其時公年屆杖鄉。秩爲始滿。

天家錫羨。馬人頌德。

奎章燦爛。佛像莊嚴。

攷靈壽九節之筇。賜上尊十醖之酒。杜鏤帶其焉榮。蕭繡像而已蔑。越歲丙申。八月初吉。爲我公開第七秩攬揆之馨。風行漢廣。星朗弧南。刁簡公瑞嶽之雲。上方霖雨。高伯恭德泉之府。內暎文明。祿亥萬千炳中朝之舊德。纛牙十二拜黼座之新綸。自影纓高蟬。刺蜚翥鸞。南棠東社。貉隸象胥。並績筴宗模。鏤助睢壤。洪惟我公。八成一德。出督八州。領治內治外之耆名。搢足食足兵之本計。目營四海。而智囊不桎於用。道母羣物。而履屐各適其材。占隆棟於中台。繫宗臣之上瑞。寒松賜榻。魏環溪特拜御書。頤性天題。阮雷塘將膺枚卜。粵溯贈公僕卿太夫子。鶴載牂柯。豸巡羅甸。戢米魯阿之焰。紐鐵貫山。鑄武鄉侯之勛。鑄銅

伐鼓穹碑恩大。新蠻落之生祠。沈石風清。祝侍郎之昌後。僉以胚胎世惠。麗天星精。燿燿神光。誕祥有自。既而家傳魯論。傳就河汾。於時贈公與胡文忠公同官雅故。公奉爲本師。性銘忠孝。芬揚廿歲。志在汗青。遂乃天下己任。大略獨觀。開函九羊。憶書三篋。金鑽珠囊。機鈐流略。讀破景丁四部。目窮文史三冬。溫公無警枕。搗頤。錙峻有焚膏。達旦泊乎士衡入洛。蘭成策科。上第鳳雛。指白沙之老眼。一聯鼇背。屑紅燄之瓊牙。動色相趨。忠肝古誼。益復飽關中祕。粹擷綱維。王儉之改編七錄。褚亮之倭直三番。平當論議通明。楊億典章洽孰。嘗榜座右曰。兵家盡補能康世。經義咸明迺著書。拜文忠公祠詩曰。差幸心源早得師。其蘊量閎達有如此者。柱史寢敷。狐簡已遠。或則索千斛米。或則劫百鍊金。公正例變例。涑水探源。才優識優。中壘定論。潤色則西京鴻業成一家言。低徊於南史麟編。發三科旨。揚子雲贊太史公書云。不虛美。不隱惡。據事直書。無一曲筆。吾師有焉。又況曠日九英。舉筆規諫。淮西奏雅。直揜貞符。睢樂鳴絃。聿宣風始。仗燕公有大手筆。非西鄂誰鍊都京。於時館臣恭進欽定平粵方略表文。皆公擬進稱旨。磐陀老人直內廷。多經進之藁。琅嬛仙館大著作。爲衆手交推。去彭芸楣之尖新。斥胡石筍之苗軋。祕殿之炬撤金蓮。講筵之書幪錦帕。抒思對命。潭慮挈精。其雍容侍從有如此者。然此猶朝夕論思。而非日月獻納也。聖上改元之五載。疇諮大禮。魯信少儒。國論蕪茅市殺一閔。公議斟禘祫。炯如韓退之之精。論抉尊親。根據公羊高之誼。平永叔溫公兩疵之同異。折定陶興獻諸議之紛縝。贊定典章。以肅以穆。越明年。丁零之北。睨我西陲。脅我擅使。留犁捐熟。頓寒諾水之盟。斗入碑沈。妄覬造陽之棄。商於挾詐。甌脫思侵。鼉飛羽書。

夕嚴狼望。公四策指陳。十死手上。謂皮山應回漢節。豈介子怯斬樓蘭。薛米思干非算灘之敢據。木素爾嶺。矧穹跌之早封。尋復密奏。以會惠敏改持英蕩。重使穹閭。帖克斯川之境。挈隸職方。阿爾泰山之陰。晝歸亥步。自是聖上眷公可大受也。迺命以侍講宣力。凡譯署議交涉款約。必令公預聞參署之。頗牧近直禁庭。留侯密贊前箸。威老上之龍庭。折撐犁之驕子。且渠語塞。尺一書尊。同異兩科。利害三策。古所謂戰勝廟堂。折衝尉候。縱攷橫版。神清氣勁。朝野賴之。至若呼蘭木葉。烏拉紅鹽。了角米脂。那顏統萬。兵與屯爲互衛。戰與食其交資。祕焚諫草。外廷莫知。筴預綢繆。中留乙覽。其獻替軍謀。有如此者。昔在中葉。士習敝陋。祿利歧於天監。文儒競於永明。切直刊於太和。嶮恠積於嘉祐。天子以公甄鑒似韋陟。清介似高郢。公明似退之。淵洽似長公。遂命出典瀾科。督鄂學。蜀試甫竣。星輶復留。自凡海曲瑩珠。荆巖蘊璞。羽獵上林之彥。碧雞金馬之倫。一角磨成。萬飛鳳接。驂駒翦拂。藥物籠收。唐代陸贄。宋世歐陽。方之我公。殆猶遜歟。況乎齋規安定。炳斯文江漢之靈。院拓文翁。錄絕代輜軒之語。囊摺百氏。條別九流。方諸先輩。朱筍河之視皖學。阮文達之視瀾學。洪卷施之眎黔學。宏獎人倫。別裁浮僞。使相湘鄉。曾公嘆爲百年以來。得公兼而四之。知言哉。其蒐擢英才。有如此者。抑聞傳經賈董。不儷績於漢侯。相士韋錢。未巡方於唐部。沈詢清粹之望。乃重旌旄。盧鈞台閣之風。始班節鉞。公以清切之近臣。試股肱於右輔。當開府山右之日。歲禳水木。星留茗華。迺响以蘇甘。穀我士女。崎嶇阪折。夷治井陘。綺錯溝塍。盡薶鷲粟。吏則鷓鴣。民則蟋蟀。恩銘已而。置理百粵。葆障炎維。靖窟嘯於殃徒。控市司於番舶。蜚戶魚姑之糶雜。鸞帆蜃閣之迷離。黃

木扶胥。神靈飄雨。蒼梧芳竹。窺嶠捎雲。待劑廉平。並勞風曉。公下車之日。鑄陶瓦以代諭。滌簞簋使更新。采柯遂而奠六瀧。絕樗蒲而運百甓。遂令珠源復返。金粟如塵。絲蚋班牛之族。警息蒲牢。闍婆柔佛之賓。候迎雁訊。極則鑄銅爲柱。礮則表海成臺。丸泥鞏而鐵牡封。嶺嶠龜而長城屹。粵壘大治。鄂渚後來。控襄郢於上游。吞雲夢者八九。引臨江之沛艾。衆戴番君。揚破竹之新礪。人謳杜父。功砭息壤。執捷薪湛玉之勞。厥課定秦。樹流柝蔽江之略。開軍器監儲十盪。十決之佳兵。績營陣圖震九地。九天之妙略。籠山川之礦利。冶自躍金。肱埴殫之精鏐。地不愛寶。大興紡織。衣被者百億萬家。議塞漏卮。鑪錘者三十六冶。比者朝廷念潢池之弄兵。顧江表以謀帥。恃太真不動聲色。得道濟賢於長城。于時劍及蒲胥。枰推壯武。聞命卽行。先機設備。彼縱跳波島鯨。我能奪水餘鯨。鍵吳淞之筦鑰。大好衿喉。扼淮海之碣臺。屹然天塹。虎符十二。銜羽檄以橫飛。犀甲三千。鏖海波而不動。奔車雲屯。築墨翟子九攻之壘。沙隄繩直。闢廬龍山八達之馘。轉徐方而潛饑。丕靖驛騷。挽銀河以洗兵。旋侈節鎮。人以為難鉅不避者。公之忠。公以為勤勞自矢者。臣之職。俄而庚桑蒞楚。頌十年畏壘之穰。申伯還南。媿四牡鉤膺之濯。還我大父諸兄。汾陽僕射。奉爲四時八節。長生太師。其迴翔曩寄。有如此者。然而文貞竹瓦。未警璋牙。鐵建旌麾。僅馴党項。繫昔甲申之春。公自晉祠入朝。會值交州構衅。造鄴陳謨。對揚六刻。險度方略。虜盡目中。泊拜命督粵時。則衅生滿月。海沸吹沙。殺懸欲飛。鯨鯢不靖。將軍大樹。方迷衣錦之雲。羅刹重潮。待穀射蛟之弩。覬南關而欲上。替戾岡催。阻東道以難通。富良江闕。公奏進羣材。師行席上。昕夕與駐。粵欽使彭剛直公。圖山聚米。饗士張燈。

密薦文武羣材。力抗陸梁強寇。資李藥師之齋糧。護院李臬使。立糧台於龍州。蹙禽頡利。策馮奉世之善馬。宮保馮萃亭軍門。

陣斬莎車。督王鐵鎗。跌棘如飛。北海王鎮。孝祺。嗾蘇總管。冒霧先捷。蘇軍門。元春。老熊當道。不教貉子生還。下瀨聲援。

兼檄樓船。暮會納居翁。以諭甌駱。畫荒徼而靖旄牛。韋皋之度鐵橋。狄青之障銅具。鼉飛屋瓦。雨洗炎州。

斯則象龜吹鏡。凱樂之章大奏。未有鯤人懲創。翎侯之徒灰寒。若此役者也。語在克復諒山記略中。為自

有交涉以來。戰功第一。待鑄石於浯厓。中興作頌。勒戰功於服嶺。異域來庭。公之建樹闕矣。至乃孤懸瓊

島。與海通波。儋耳崖深。老閉關之大長。毘耶山險。窮帕首之鞞刀。豈知黎母疊開。蟲沙淨洗。椰冠化拓。蠻

觸休爭。火種刀耕。洗滌大藤之峽束。銅青石綠。轉輸富媪之治官。奠錯午於尾閭。關夷庚於指畫。若其鑿

車鳥了。奪纛毘那。赤嵌佛書名。毘舍那。憤河伯非外孫。義田橫為壯士。暗輸犒粟。屢溢軍資。雖朱厓終棄。隔中星正

朔之放。而維州追論。惋悉怛垂成之績。是尤江左夷吾。收新亭之涕淚。貴和葛亮。蓄雄略以未伸。其規畫

武功有如此者。且夫關東部洲。未有之利權。塞九瀛海無形之厄漏。隴種羊而吉貝移於中夏。地用馬而

白撰溢於漢家。肆陰陽權謀。形執技巧。以屈繚苴。象由余於戎服。萃七陶八冶。九柯十匠。以開監作。據縮

穀於漢皋。飛車則幹徹奇肱。圓法則剋新尙父。楚材晉用。西法中師。河圖搢地。啓八萬里。二三級磐石之

精。遁甲開山。驗十九施。廿五種孳生之產。氣函嚙噬。質辨阿屯。佛郎湧而彙興。連珠環而山積。旁羅日月

星辰。水波士石。莫富軒轅首畫之區。贊翊兵刑水火稷契工虞。實翊媯聖中天之治。其損益也。則取材落

實。利用前民。其揆張也。則四徹中繩。九變復貫。曾文正之深心偉識。胡益陽之體國公忠。公真淵契哉。其

匡。遜。時。局。有。如。此。者。若。夫。夏。蕤。賓。之。律。感。而。應。商。淬。昆。吾。之。金。求。而。躍。冶。謝。三。字。語。掾。一。節。見。則。百。節。知。羅。卅。六。英。雄。注。意。相。并。注。意。將。廚。及。魚。龍。之。藪。郢。輸。宋。桷。之。歸。士。求。異。等。茂。才。學。貴。通。曉。世。務。擴。韓。潮。州。之。校。遠。包。鹿。院。全。槩。育。黃。江。夏。之。材。勝。關。雞。籠。四。館。真。性。通。而。氣。厚。俾。雷。奮。以。雲。興。至。若。茂。宏。練。服。迂。安。布。衾。屏。伏。波。薏。苡。一。車。載。武。惠。圖。書。萬。卷。飲。建。業。水。投。錢。而。導。六。騶。食。武。昌。魚。封。瑒。不。遺。一。鮓。後。堂。無。家。伎。之。奉。丈。室。有。青。絕。之。帳。攜。獨。樂。園。之。竹。杖。飯。窮。塞。主。之。蠶。鹽。起。樓。臺。以。無。地。遠。人。問。寇。相。公。起。居。鑄。寶。氣。而。不。私。國。論。服。賈。昇。州。清。介。簿。書。手。校。罰。二。十。以。上。必。親。木。屑。親。儲。課。分。寸。之。陰。日。篤。心。似。當。天。白。日。胸。無。深。阻。樊。榘。淡。言。暝。帛。臺。响。座。客。以。登。春。靄。語。生。雲。谷。接。才。流。以。應。律。其。陶。冶。羣。倫。有。如。此。者。況。乃。門。千。戶。萬。典。洽。朝。章。龍。矯。蟾。騰。儀。占。地。動。一。品。會。昌。之。集。千。秋。金。鑑。之。編。汲。邇。孔。堂。證。湛。深。於。高。密。上。庸。嚴。季。隘。集。古。於。歐。陽。何。止。連。珠。製。剏。君。苗。筆。硯。都。焚。詎。知。碎。金。曲。高。太。傅。餘。閒。偶。事。公。之。雅。志。在。曲。江。風。度。贊。皇。方。略。然。無。心。競。物。鷹。隼。休。猜。大。營。平。泉。中。洽。水。遞。曲。江。有。性。韻。而。短。於。武。功。贊。皇。挾。才。氣。而。微。嫌。汰。侈。公。乃。集。其。兩。長。去。其。兩。病。後。人。尙。論。定。以。鮪。生。爲。知。言。哉。昔。在。扶。陽。就。侯。元。常。杖。國。令。公。領。笏。文。穆。醕。觴。雖。語。祈。淪。并。彰。汗。牒。然。以。視。我。公。志。薄。風。雲。性。超。始。素。籌。優。禁。幄。柱。亘。擎。天。他。日。玉。瀾。堂。裏。敕。績。儀。形。千。宴。宴。中。首。廣。進。御。博。埴。埴。絃。斯。獨。鑠。矣。勛。伐。鐘。萬。侯。其。禱。而。昶。剏。桐。出。爨。琴。爆。尾。而。不。焦。汗。竹。傳。經。酒。登。堂。而。拜。賜。元。成。公。子。研。席。連。跗。朱。游。門。吏。大。桁。識。路。跂。門。風。於。鐵。漢。豈。任。傳。衣。駐。旌。節。於。赭。圻。叨。陪。曲。讌。竊。惟。當。陽。智。囊。朝。貴。或。阻。其。勝。算。長。沙。舞。袖。狹。區。未。足。以。迴。旋。史。稱。謝。文。靖。大。人。之。容。王。公。之。度。而。寢。



處常有山澤閒儀。人謂李文饒北伐澤潞。西策吐蕃。必帷幄乃展。機衡上略。茲者波澄漢渚。頌鏤鸞彝。飲菊潭三十石而愈甘。仰炎嶽八千仞以無極。釐召虎之占瓊。錫祉南邦。瞻司馬之威儀。憺稜西夏。後王深甯。四日皇覽揆予。與董江都鄰州異人再出。腰筮奏南飛一曲。海內知髯。衛垣拱文昌六星。綸扉虛左。天題手敕。

帝念精忠。此日幅巾雅度。拜竹根如意之效。

引用裕陵手詔  
答錢陳羣語

異時填海成功。解玉帶通犀以賜。何須梨棗製

邵公百八十平格之齡。待拓經綸。龜騶衍大九州維婁之局。





壺公師壽言節略

光緒丙戌秋。公年五十。在兩廣任。以官年履歷。差一歲。至次年丁亥秋。乃拜荷賜壽異數。敕御書扁額。西藏銅佛內府多珍。謝表立言翔雅有體。公字孝達。自號壺公。又號無競居士。一號香嚴。

甲申冬。乙酉春閒。援諒山大捷。實由公發轍指示。乃自有交涉戰事以來。第一奇功也。而當軸有陰沮之者。故公取張九齡詩。無心與物競。鷹隼莫相猜之句。自署無競居士。又曰。牛翁謂呼我以牛馬。則應之以牛馬也。

咸豐壬子解元。時年十六歲。同治癸亥。一甲第三人及第。授職編修。知制誥之文。典雅有則。爲史傳。不虛美。不隱惡。理昭而事覈。不妄下筆。南皮舊有北皮亭。故謂之南皮。魏文帝在南皮一日射雉三十六頭。北魏刁雍年登百歲。渤海蓆縣人。諡曰簡公。從子遵。諡曰惠公。亦垂八十。官皆至三公。今刁惠公志。海內推爲北碑第一。在南皮之刁家樓。出土正值蓆縣地。今此石藏子青相國家。宜有慶門之瑞。扶輿靈長之氣。鍾於張氏。贈公太夫子諱鏐。乙科。官貴州最久。公生於黔。有異徵。贈公與胡文忠公林翼同官雅故。公發解之日。文忠與贈君書云。聞賢四郎獲解。與南溪相視。開口而笑。欣喜累日。南溪者。公之業師。諡果靖。韓公超也。公亦受學文忠。故公移督湖廣。謁文忠祠堂。作詩。有敢云。鴛鴦能爲役。差幸心源早得師之句。贈公知遵義府。扞賊守城有功。尋署貴東道。用兵勦下游苗教各匪。盡瘁王事。卒贈太僕卿。公未通籍時。卽好閱兵家言。及國朝掌故經濟之書。生有奇稟。焚膏繼晷。夜以繼日。假寐時絕少。故六藝百家衆流無不

通嘗榜其坐曰。兵家盡補能康世。經義咸明乃著書。沈思穿穴。一事一義。必了徹其究竟。從不妄下丹鉛。嘗見公所藏經籍。手校多精塙。批國朝先正事略。駁其踳誤。及義例不當處。尤關國故。此特一鱗片甲耳。未通籍時。佐豫撫東撫幕。艸奏軍事。切中窾要。又代陸給諫秉樞作奏。荷旨獎問。馬周代常何言事。光氣往往驚其長老矣。己卯年。官國子司業。上惠陵大禮。疑紬繹詔指。援据儀禮公羊。平定陶濮國興獻諸議之紛緝。折永叔溫公伊川兩家之齟齬。疑上國論翕然。庚辰年。升侍講。使俄大臣崇厚爲俄人所給。要約割極邊卡倫地。臚列多款。公上疑議戰守方略甚具。章十餘上。奉兩宮皇太后懿旨。敕譯署王大臣。凡有交涉議約事。皆當令張某預議。除拜洗馬。遷左庶子侍讀。旋拏問崇厚治罪。擢襲侯五品。京堂曾惠敏使俄。重議條約。公所密奏也。爭回伊犁帖克斯川一帶。又阿爾泰山承化寺界綫稍移北。餘多與崇約之失無異。辛巳年。除侍講學士。侍讀學士。內閣學士。兼禮部侍郎銜。公在史館。凡有大著作。多出其手。內閣協同批本票簽者。時有疑舛。往復駁正。至于十反。欽定平定粵匪方略。平定捻匪方略。進御表文。典贍沈博。時人傳誦。穆宗大婚樂章。公所定稿。每艸大臣列傳。据事直書。不爲曲筆。先是丁卯年。典浙試。得士頗盛。尤著者。循良如陶巡撫模。沈布政鎔。經使才如許侍郎景澄。算學如沈吉士善登。律呂如錢舉人丙奎。詞章如譚山長廷獻。經學小學如孫刑部詒讓。王山長棻。皆士林推服。官湖北學政日。建經心書院。教士以古學。改定高才生文。刻之。爲江漢炳靈集。癸酉年。典蜀試。旋爲學政。建尊經書院。刻輶軒語書目。荅問以教士。高才生如宋育仁。楊銳。廖平。王光棣。王秉恩。吳德瀟等。皆肄業。

院中者也。公時時爲口講指畫。因材造就。輜車所至。搜采窮岩。壇厂漢隸石刻。上庸長嚴季男諸磨厓。始登金石家著錄。公兩爲學政。所至網羅通才宿士。若繆編修荃孫。樊大令增祥。王侍郎文錦。王祭酒懿榮。鄭貢生知同。蒯太史光典。左比部紹佐。易分巡順鼎。袁刑部寶璜。林吉士國賡。教以治經門徑。通知時務。曾文正嘗嗟異之。以爲前輩若洪亮吉之督黔學。朱笥河之視皖學。閩學阮文達之督浙學。無以踰也。壬午癸未。公任山西巡撫。嚴禁鴛粟。第於播種時禁之。過時不問。民以不擾。會法越事起。應詔密陳戰守機宜十七事。又密擬薦中外文武人才五十九人。多見采納擢用。裁革陋規。積弊一清。修井陘道。化險爲夷。甲申春。內召。造勦陳越南事。多所贊畫。三月奉命權兩廣總督。時廣西巡撫徐延旭。潘鼎新。先後潰軍於鎮南關外。越南之北甯山西高平諒山連失守。法提督孤拔兵艦縱橫海上。台北岌岌。公與駐粵彭剛直公玉麟。籌商防海規越戰守機宜。堵塞黃埔西江。修築虎門橫檔大角沙角礮臺。粵人倚爲長城。密奏薦文武材堪倚任者。請以廣西臬使李秉衡辦糧臺。旨擢署巡撫。又奏派前廣西提督馮子材。北海總鎮兵王孝祺等。資以大批軍火糧餉。招募新軍。欽廉材武之士響附。督帶出關。軍聲復振。旋肅清龍州關內。全軍出關。規進取。旋克復諒山。大敗法軍。陣斬法提督。捷音布中外。法巴黎司議院長六百餘人。大誹薄外部。外部首相茹勒斐里氣沮告退。議院衆紳。別公舉外部首相。遂乞和。是役諸軍勇氣百倍。幾可進復北甯。攻河內。會詔以和議成。不許進軍。公與彭公玉麟電奏力諍。機不可失。廟堂不納。語在克復諒山記略中。是記最爲實錄。是年公又派兵輪二艘。援福州中歧馬尾。又籌餉項二十萬。接濟臺灣帥劉銘傳。又用

厚餉招來保勝州孤軍劉永福。法人所畏也。其忠勇性成。遇國事利害所在。赴之若渴。不分畛域如此。建廣潮欽廉瓊州等處沿海礮臺。遣將率軍平瓊州黎匪。開鑿黎母嶺十字大路。縱橫廣袤。皆實重戍。開硫煤石綠各礦。以收山硿自然之利。建廣雅書院。招集肄業生二百人。以經史課之。士風大變。迭聘梁太史鼎芬。朱御史一新。主講廣雅。設立鑄銀元局鑄錢局。以維持圓法之疲敝。公於治經最服膺陳蘭甫先生禮恨生平未見。寄篆聯至。自稱私淑弟子。

丁亥戊子年。移督湖廣。詔與直督李相鴻章分辦蘆漢南北鐵路。旋以王大臣會議奏上。先開奉吉鐵路。蘆漢稍緩辦理。此摺親主稿。奏開大

冶鐵官。設立鐵政局。槍礮局。織布局。銀元局。以救洋貨侵銷中國之漏卮。而立自強之根本。公建蘆漢鐵路之議。醇邸電詢機宜。往復十餘次。中隔汴省黃河。公主造活鐵橋以滙之。又建開晉省鐵礦備用之策。醇邸心折公任事之勇。復電中有縱使志大成迂。成功與否不可預必。然精衛刑天之志。足以痛洗畏葸不任事者之肺腸云云。己丑庚寅辛卯壬辰癸巳年。皆在鄂任。籌款修荊州大堤。親督撻薪之役。設立兩湖書院。分經學史學理學文學四齋。以課經義之士。別設自強書院。分方言格致算學商務四齋。以課治事之士。近又增時務一門甲午年夏。倭事起。公密奏防海方略。並籌買外洋新式快槍大批軍火。十月初五日。奉


旨署南洋大臣。兩江總督。劔及蒲胥。聞命卽行。初十日泊蕪湖。十六日拜命蒞任。周巡江陰狼山吳淞崇澉川沙等處。親閱海防礮臺鐵廠。凡籌援滬北軍。籌援關外。籌護衛京師。籌買軍火。籌各要路設立轉運糧臺。時公府物力。掃地赤立。籌加鹽捐。籌借洋債。以應急須。事如蝟集。昕夕目不交睫。電奏機宜。皆手自

起草不假幕僚之手。奏以馮子材幫辦南洋軍務。奏以彭楚漢署長江水師提督。募八十餘營。布置周密。乙未年春。倭舟窺海州。謀登岸。阻截我淮徐閒南北綰轂轉運之餉道。人心大震。公厚集諸軍禦之。敵沮旋去。時方議割棄昆舍那。會其人誓死戴臺撫爲國守。公密遣人接濟軍餉四十萬。迎門人唐署撫景崧之母夫人來江乘。贍救備至。飛電戒之曰。君爲國盡忠。吾爲若盡孝。勿以老母爲慮。後唐以不能久持而敗。乾沒軍餉頗鉅。公自此薄其爲人。絕勿與通。剏立自強軍。奏調用德國柏林將弁游擊來春石泰等三十六員。督率教練。以錢道德培沈守敦和提調其事。公每與地亞士等洋行訂購槍礮子藥。皆親與議價。勘驗利鈍。在金陵城內外造馬路以便民。在上海設商務局。分遣營員洋弁改造江陰吳淞徐聞沙圈山關廬龍山等處沿江沿海礮臺。嘗議復建金山之文匯閣。借校寫四庫書爲名。招集四方賢士爲強學會。以追復曾文正開府兩江書局采訪局賓賢之盛會。離任事中止。匯當作滄。


丙申年正月十七日卸事。仍回湖廣任。敕公與北洋大臣分任蘆漢鐵路事。招商集股。趣期開辦。公刻苦自勵。服御儉陋。妾不衣帛。服官京外三十年。家無寸田尺宅。嘗咏史事。有曲江風度贊皇心之句。蓋雅志所在也。然張文獻治邊事。非其所長。而衛公大營平泉。侈設水遞。不無可議。公似勝之。奏延論說未編成集。札記若干卷。詩若干卷。編纂籌辦夷務類要一書。分門列表。成數百卷。將以呈進。備乙覽焉。得失利弊若指掌。公氣厚性通。似韓愈。勤勞善斷。如陶侃。好士不倦。則兼有近代朱文正阮文達之忱悃。論者以爲處之帷幄之任。操進退人才之枋。當使天下無滯材。無滯材則百司各舉其職。而後庶務清明自強之

政克舉。方可展其志事。知言哉。


此篇嫌太簡略。大事尙多漏未載入。須就公日記編年作一譜。乃佳。阿文成當國日。門人爲作年譜。阮文達年八十。有雷塘會主弟子記載其奏疏行事。盍仿之。







合 肥 相 國 壽 言



袁 祖 撰

本館據漸西村舍  
叢刊本排印初編  
各叢書僅有此本

# 合淝相國壽言

太子太傅光祿大夫文華殿大學士總督直隸等處地方一等肅毅伯欽差北洋大臣總理海軍大臣合  
肥相國七秩壽序代

古今之運會。逾闕而逾新。不相襲者也。古今之事業。亦逾出而逾新。不相襲者也。歷觀前史。位至宰輔。而年躋耆耄。聲施爛然者。若漢之扶陽侯韋賢。東漢之太傅趙熹。司空伏恭。司徒魯恭。年至矣。而事業未能震爍。今古。至於北平侯張蒼。元魏中書令高允。唐之狄梁公。宋之文潞公。年皆期頤。或至百餘歲。其相業煒矣。而又未際運會昇平之世。美哉。猶有憾。洪惟我朝國祚。龐洪純固。康熙乾隆前後兩六十年。明良交慶。前史稀有。湛恩汪濊。壽考作人。高宗運際中天。奇齡邁五龍。民物康阜。御製詩有古稀再稀。又再稀之句。授受大典。既成。嘉慶之初。宮中時憲書。猶稱乾隆六十四年。千變讌開。中外臣工。躋上壽者多。至不可更僕數。前後宰執。時則有若諸城劉文清公。漳浦蔡文恭公。溧陽史文靖公。無錫嵇文恭公。吳縣潘文恭公。儀徵阮文達公。皆享耆耄之壽。鹿鳴重讌。瓊林再逢。此豈惟由行仁致然哉。蓋乃高宗錫類之仁。沐浴陽澤。以致此人瑞。史不一書也。扶輿卓犖之運。流澤日新。今其屬於我太傅。端揆合淝伯相乎。我傅相夫子。機神明斷。悃款篤誠。歷事四朝。而尤被特達。殊遇於同光之世。邇者璇闈歸政。上法成憲。與乾嘉之際。後先輝映。聖上繼述。將紹隆於康乾。用是天題錫羨。褒美輔臣。爛若雲漢。龐禔煒奕。蓋我夫子以歲在壽。

星之年。正月有五。日。正屆七秩嵩辰矣。□□不文。竊惟論運會則今古不相襲。論事業則後出者逾新。昔儀徵阮公爲史官。日恭進高宗八旬萬壽宗經徵壽說。參驗六經以爲之詞。誠以執經之心。所以位育天地。黼黻日月者也。而茲緯之書。實爲經之輔翼。今相國夫子。毓粹五緯之精。擅挈七緯之略。功緯竹帛。思緯風雲。然則明師相所以得壽之徵。徵諸茲緯之精義。其可乎哉。謹案春秋緯漢含華曰。三公在天。法三台。在地。象五嶽。又元命苞云。文昌六星。左上將。右上相。夫子篤生瀛霍天柱之鄉。實爲南嶽。上應南宮。權衡中興。將相之任。以一身兼之。繫朝野喁喁之望。垂三十年。同氣之美。邁荀龍而轢賈虎。門族之盛。實爲國朝名臣所罕見。嶽降之精。上應三能。其在斯乎。同治中興。臨軒授鉞。夫子以承明侍從之臣。鷹揚海澨。誓師龔暴。奠定三吳。迴戈青徐。竟豫之間。指擣諸將。摧殄逋寇。青犢五槍之羣。擒渠掃穴。山川清明。還我澄霽。削平二慙。功在方略。謹案尙書中候曰。太公望得玉璜。刻曰。姬受命。呂佐旌。受祕書兵鈴之法。審權履矩。應敵之詐。縱己之謀。我朝以木德王。比隆蒼姬。仙李蟠根。發軔柱史。遂總師干。儷績尙父。詩緯含神霧。曰。刻之玉版。藏之金府。僉曰。宜哉。又以爲前代幅員。神州褊狹。我朝聲教所漸。疆宇之拓。亘古未有。師相歷督大州。管鑰北門。歷時最久。仁育義正。惠政尤多。拱衛翼戴之績。四裔瞻仰。尙書考靈曜曰。四游所極。謂之四表。又樂緯稽曜嘉云。四夸之樂。東株南任。西禁北昧。公兼通九譯。銜轡遠御。殊域之樂。貢之太常。公子伯行觀察。銜命殊域。使能專對。爲國宣力。實秉義方。不惟佐上內治。抑殫誠外禦矣。禮緯含文嘉曰。侯伯有大功。則賜之衣服。以表其德。朱戶以明其別。納陛以安其體。彤弓與矢。俾得專征。師相屢拜欽

差大臣之命。海軍創立。栢附董成。公兩奉命。巡勞軍伍。海若效命。馬銜翹誠。先後疊頒異數。豐貂玉璣。黃馬褂。雙眼孔雀翎。以及御書。楹榜之賜。中使相銜。不絕於道。紫韁之錫。尤爲殊禮。公乃矍矍如畏。對揚麻命。納於大麓。燁張廟謀。其忠。憲勤勞。有如此者。又案書緯云。歲星得度。五穀乃孳。春夏令民早作。秋冬令民早息。寅賓寅餞。義和職之。樂緯動聲儀云。召伯勞身苦體。舍於樹下而聽斷焉。故召南美之。甘棠之詩。是也。師相之節制。畿輔也。金穰水毀。時廛民瘼。年豐則示之以禮。歲歉則教之以儉。偶有偏災。振廩康濟。決比斷獄。煥若神明。今邵公之年。已開第八秩矣。再八十年。寅亮坐治。俾惠政屢書不一書。國之福也。民之幸也。春秋緯云。智者循轍。長生久視。黃童白叟。人人祝之。爲福德之星。使物不疵癘。而年穀順成。咸曰宜哉。謹案易緯乾鑿度云。正月之卦。氣在泰。泰表載干。鄭君注云。干楯也。春秋緯云。自冬至四十五日至立春。條風乃至。達生萬物。公久總師干。遠猷益壯。覽揆之辰。卦氣值泰。又遇立春。條風煦物之象也。攝提貞於孟陬。夾捧帝席。景星出焉。此又中候之占也。文露湛。武露布。佐調鼎鼐。協致昌期。實叶熙朝。景星甘露。麟一角芝九莖之瑞。是庸爲侈言耶。又以前代武庫之名物。邊備之制度。諸史所列。詔爲鉅麗者。以方皇朝武功甲仗之盛。殆皆邾莒不足掩其陋矣。我師初典兵枋。卽奏請講求火器之利用。實開風氣之先。歷以使相督兩江湖。廣直隸。廣設制器之局。預儲武庫。防亂未萌。頻年相度。登萊金復之間。董治臺堡。襟帶山海。允設天險。近又碣石之北。粟末河之南。勦造四徹中繩之軌。凡茲建寅。皆亘古未有之巨工。奕葉無窮之隱利。論語摘輔象曰。軒轅七輔。受金法者風后也。受準斥者力牧也。爰庀五材。爰冶

五金。爰治九軌。爰平九涂。士皆用命。地不愛寶。公之規模。閎遠矣。至於退食之暇。清晏之辰。詠經稽律。游思八法。懸針墜露。筆力奇偉。則又摘輔象所云。鐵擿三折。韋編三絕。漆書三泚之勤矣。謹案孝經緯云。尊事三老。兄事五更。三老。知天地人之事者也。五更。知五行更代之事者也。皇帝典學精勤。將舉臨雍之典。國三老之上儀。公實當之。執爵而乞言。梯几而對命。太史氏書之。以爲璇宮錫无疆之矜。黼座褰股肱之燬。上繼史蔡。劉稽諸公之盛。豈特爲士林之私慶哉。蓋乃與中天之寶運相發而彌光矣。於是衢祝之賓。皆曰。若是乎。古今之事業。與古今之運會。愈闢而新。遼乎其不相襲也。然以觀吾師。泊乎若無預。冲乎若不足。功成而勿居。德成而不自名。穆穆綿綿。進道若退。洗心藏密。日以德業返身考鏡。以期夫日新又新也。書緯運期。授稱太公丹書曰。敬勝者吉。義勝者從。易乾鑿度云。繫既濟。未濟於下。經之終者。所以明戒慎而維世道。蓋窺公之用心。若臨冰谷。若承賓祭。節性日邁。光輝內含。用以師貞。錫命上承天寵。然則師相。惠國誠民。其浩然直養之氣之所存。又豈區區蠡莛之見所能測識者乎。凡所稱引。多恣緯中最純之辭。極知陋劣。修辭之義。未必有當。敢薰沐拜手而爲之序。

# 合肥相國七表初度第一敘

南至於朱厓。北至於粟末河。西極於松維。東則表胸界日主祠爲之門。此古之幅員也。以眎今之幅員。則狹矣。黃支貢犀。越裳獻雉。識條支之巨菴。諡大夏之胡柯。致犁軒之眩人。詫金母之戴勝。此古之重譯也。以方今之重譯。則局矣。衛國景武公之平東西突厥。贊皇文饒公之馴吐蕃。平澤潞。以及倉兕之官。樓船之師。飛雲蓋海之製。此古之武備也。以較今之武備。則瑕矣。損益連弩。翕張彭排。刀定秦。劍區冶。家鶴膝。而戶犀渠。此古之戎器也。以方今之戎器。則窳矣。勒浚稽。銘碣石。碑韓陵。頌浯溪。譜樂職之三章。建營平之十策。此古之文事也。以較今之文事。則陋矣。拯溺由道情。龕暴資神理。陶桓公建江夏之績。服威信者百城。趙閱道澹越州之菑。活蒼黔者萬戶。此古之治行也。以方今之治行。則庠矣。我夫子太傅首揆合肥公之歷仕也。翼景運。垂洪暉。興文儒。蒐軍實。績之煙閣。冊於麟臺。圖在丹青。勒諸金石。朝野喁喁。華裔交仰。非上下五千年。縱橫九萬里。不足以語師相之壽。是豈小儒詹詹蟲篆之筆。所能形容其萬一哉。我夫子秉灑嶽之精。應昴宿之質。少壯承累葉積德深仁義方之教。承明金馬侍從著作之庭。吐納風雲。黼黻河漢。咸豐中葉。有震且業。兩宮懿聖。邁和熹而轢元祐。穆廟中興。侔周成而炳殷宗。特拔公於元老戎幄之中。遂舉義旗。電驅彗掃。奠定三吳。耀師外海。陸讐水慄。布令甲。蘇疲甿。淮淝勁兵名天下。自公始。而泰西武士亦帖耳用命。爭効爪牙。撫吳之政。奏滅四府浮糧。以數十萬石計。民困大甦。建儒學。鐫經籍。擢秀

孝之甲乙。還山川之清明。識者歎爲荆峴湯公後一人而已。遂移節兩江。督湖廣。參知綸扉。頻拜異數。分茅列爵。酬庸五等。以中原逋寇之不靖。栝附敗績。上相紆籌。詔移勁旅。指擣諸將。規畫四路。雲屯雷厲。馳驅於冀。竟青徐揚豫之郊。遂奏膚功。蕩平醜孽。彤弓朱履之錫。詔指相銜。天子以公股肱重臣。鈐鑰三輔。眞拜爰立。物望具瞻。旋首枚卜。朝野相慶。夾輔泰紫。倚爲金城砥柱之重。垂三十年。師相經綸夷險。百廢具舉。屏衛陪京。銜整藩部。象胥雜沓。島索紛呶。質劑要約。文詞百車。夫子每談笑而折衝之。如大治之受羣金。莫不騰躍消融於鑪鑪之內。海軍初建。黃龍巨舳。赤雀牙檣。行陣之圖。機巧之器。亘古未有。前史肇建水師以來。未之聞也。親賢董統。皆倚夫子一手規畫。爲金湯不拔之基。遼海萬里。勦營軌路。中繩四徹。爰諏器師。羣疑旣渙。遠猷遂拓。夫師相在同治朝所建之豐功偉績。欽定兩方略載之。人人得而歌詠之矣。光緒改元以來。所規之訏謨碩畫。則廟社之利賴。鞏於不拔。制於无形。雖左右軍諮之選。有不能闕測其老成謀國之苦心者。大海蕩蕩。水所歸。高賢愉愉。民所懷。斯之謂乎。我朝國運之隆。亘古稀有。康熙乾隆前後兩六十年。高宗授受大典。執中上儀。聖齡耆耄。重華賜讌。御製詩有古稀再稀。又再稀之句。湛恩錫類。壽考作人。先後臣工。霑預千變。御筵壽躋百歲者。不可勝數。至若宰輔三公之貴。先後若漳浦蔡文恭公。諸城劉文清公。無錫嵇文恭公。溧陽史文靖公。韓城王文端公。吳縣潘文恭公。儀徵阮文達公。皆鹿鳴再逢。瓊林重宴。

熙朝人瑞。史不絕書。雖諸公前後輝映。仕非一朝。然以徐偉長王澤之壽之說徵之。謂爲高宗錫福之聖。



澤涵泳於无涯。誰曰不宜。今夫子生際隆平。數中興佐命之功。實與曾文正左文襄諸老。若五星之編珠焉。璇闈歸政。上法乾嘉之際。聖壽无疆。萬方嚮祝。將復開千竅之譙。奉皇太后鑾輿。時巡省方。近儀南巡。盛典之燾。典學日隆。臨雍釋菜。於時夫子再宴鳴鹿。兩賦瓊林。爲國之三老。天子割牲執爵。授几乞言。使太史氏書之。其爲明良之慶。咸曰麻哉。夫世稱謝文靖作相。王公之度。大人之容。而寢處有山澤間儀。裴晉公放意機衡之外。收身矢石之間。優游台鼎。前史以爲美談。然以觀夫子。劔劔如畏。稽經誦律。終日乾乾。終夕惕惕。豫兮若冬涉川。猶兮若輯四鄰。進德修業。賓賢煦物。未嘗一日稍自暇逸。用以承天題錫。羨眷顧優渥之意。然則前史所云。功高百辟。心在一邱者。奚足道哉。奚足道哉。夫惟成周之邵公。職在分陝。年至百有八十歲。而孜孜以節性日邁爲程。衛武公翼戴王室。年百餘歲。猶作懿戒之詩。使矇誦之以自警。斯則王朝卿士之所以祝公。而尤夫子中之所存。德性純固。表裏粹然。所以長生久視之道。而豈彼服食導引修養引年者之所得同乎。敢薰沐拜手而爲之敘。



編主五雲王

編初成集書叢

種一他其及言壽書尙嚴香

中華民國二十五年十二月初版

撰者

袁

昶

發行人

王

雲

五

印刷所

商

務

印

書

館

發行所

商

務

印

書

館

上海及  
各埠

上海河  
南路

上海河  
南路

徐

七〇五六上

集

國家圖書館



002577435



0.00